

UNIVERZITET U TUZLI
SENAT
Broj: 03-5470-1-1.1/21
Tuzla, 14.10.2021. godine

Na osnovu člana 60. stav (1) tačka d) Zakona o visokom obrazovanju („Sl.novine TK“, broj: 7/16, 10/16, 5/17, 15/17, 15/19, 9/20 i 17/21) i člana 52. stav (1) tačka b) Statuta Univerziteta u Tuzli, Senat Univerziteta u Tuzli na sjednici održanoj 14.10.2021. donio je

ODLUKU
o izmjeni Pravila studiranja na drugom ciklusu studija
na Univerzitetu u Tuzli

Član 1.

U Pravilima studiranja na drugom ciklusu studija na Univerzitetu u Tuzli (Drugi prečišćeni tekst) broj: 03-2351-1-4/20 od 29.05.2020. godine, broj: 03-3885-1-8/20 od 09.09.2020. godine, broj: 03-4395-1-5.2/20 od 30.09.2020. godine i broj: 03-5915-1-3/20 od 09. 12.2020. godine, član 27. mijenja se i glasi:

„Završni rad kandidat mora predati na ocjenu i okončati isti odbranom završnog rada najkasnije u roku od 5 godina računajući od završetka posljednjeg semestra drugog ciklusa studija.

Ukoliko student ne okonča studij i ne odbrani završni rad do roka utvrđenog u stavu (1) ovog člana prestaje mu status studenta, o čemu dekan fakulteta/akademije donosi rješenje.

Lice iz stava (2) ovog člana ima pravo podnijeti zahtjev za nastavak studija najkasnije do kraja akademske 2021/22 godine i nastaviti započeti studij, uz obavezu plaćanja utvrđenog a eventualno neizmirenog iznosa školarine, te obavezu plaćanja dodatne participacije u troškovima studija, o čemu dekan donosi rješenje.

Pravo na nastavak studija na način utvrđen stavom (3) ovog člana imaju i lica koja ne okončaju studij do isteka roka utvrđenog u članu 30a ovih Pravila.

Odluku o visini dodatne participacije donosi Upravni odbor Univerziteta, uz prethodnu saglasnost Vlade Tuzlanskog kantona.

Pravo na nastavak studija, u skladu sa stavovima (3) i (4) ovog člana student može ostvarivati do kraja akademske 2024/2025. godine, s tim da zahtjev za nastavak studija podnosi za svaku narednu akademsku godinu i to najkasnije 30 dana prije isteka tekuće akademske godine”.

Član 2.

Ova Odluka stupa na snagu danom donošenja.

DOSTAVITI:

1x Fakulteti/Akademija

1x Ured za nastavu i studentska pitanja

1x Služba za pravne, kadrovske i opšte poslove

1x Služba za ekonomske poslove

1x Senat

PREDSJEDAVAJUĆA SENATA

Nermina Hadžigrahić
Dr. sci. Nermina Hadžigrahić, red.prof.

